



Jens Napätôk
Inatsisartuni ilaasortaq, Partii Naleraq

Akissuteqaat § 37 naapertorlugu apeqquteqaammut nr. 109/2020 – atuarfeqarnermi ilinniartitaanernilu iluarsaaqqinnerit pillugit.

03-07-2020
Sagsnr.
Dok. nr. 10941081

Postboks 1029
3900 Nuuk
Tlf: +299 34 50 00
Email: ikin@nanoq.gl
www.nanoq.gl

Asasara Jens Napätôk

Qujanaq apeqqutigisannut, Inatsisartut suleriaasianni aalajangersakkat naapertorlugit saqqummiussannut. Taakkua uani ataani akissuteqarfigissavakka.

Apeqqut 1: 1. Atuarfeqarnek – Ilinniartitaanerlu pillugit Naalakkersuisut aaqqissuuseqqinnerat sumut killippa?

Akissut: Suleqatigiissitami suliniutissamut qulaajaanermik ineriartortitsinermillu suliaq naammassineqareerput. Kisiannili Covid-19 aamma tusarniaaneq kinguaattoorfiusoq pissutigalugu ilinniartitaanerup aaqqissuussaanaera eqaatsoq ataqatigiittorlu aatsaat siunissami qanittumi Naalakkersuisunut saqqummiunneqarsinnaapput.

Apeqqut 2: Aaqqissuuseqqinneq annertoq pisariaqartorlu qanoq ingerlanneqarniarpaa?

Akissut: Inassuteqaatini ilaapput iliuusissat assigiinngitsut arlaqartullu. Inassuteqaatissallu suli Naalakkersuisunut tunniunneqanngimmata, piffissami matumani apeqqut taanna tigussaanagerusumik akineqarsinnaanngilaq.

Apeqqut 3: Aaqqissuuseqqinnermi ataatsimiititaliarsuarmik pilersitsisoqanngila?

Akissut: Suli inassuteqaatinik Naalakkersuisunut tunniussisoqanngimmat piffissami matumani nassuiarneqarsinnaanngilaq, aaqqissuuseqqinnerit qanoq ingerlaqqinnissaat suliarineqarumaarnersoq.

Apeqqut 4: Aaqqissuuseqqinnermi kikkut qanorlu peqataatinneqarpat?

Akissut: Inassuteqaatini ilaapput siunnersuutit ingerlatsisut kikkut ilinniartitaanernik aaqqissuussinermut attuumassuteqartut suliat ingerlaqqinnissaani ilaasinnaanersut. Ingerlatsisut susasaqartut tassaapput ilaatigut ilinniartitaanernik ingerlatsiviit, kommunit,

Nunamut Tamarmut Ilitsersuisarnernik Qitiusunik Ingerlatsivik, Ilinniartitaanernut Aqutsisoqarfik, suliffeqarnermi illuatungeriit, kattuffiillu allat sulianut attuumassuteqartut. Apeqqummut 3-mut akissut innersuullugu piffissami matumani tamanna annerusumik itisilerneqarsinnaangilaq.

Apeqquut 5: Kommunit meeqqat atuarfiannik ingerlatsinermi akissussasut aaqqissuuseqqinnermi qanoq inissisimappat?

Akissut: Kommunit meeqqat atuarfiannik ingerlatsinermut akisussaananerut tunngavigalugu – suliniutissamut qulaajaanermik ineriartortitsinermillu suliamulli akuutinneqassapput ilinniartitaanernik ineriartortitsilluni suliat ingerlaqqinneranni. Apeqqummut 3-mut akissut innersuullugu piffissami matumani tamanna annerusumik itisilerneqarsinnaangilaq.

Apeqquut 6: Atuartitaanerup Ilinniartitaanerup Inuussutissarsiutillu imminnut ataqtigiisinnissaat Naalakkersuisut qanoq qulakkeerniarpaat?

Akissut: Inassuteqaatini ilaapput immikkoortut atuarfimmiit ilinniartitaanernut ikaarsaartarnernut tunngasut, aammalu inuusuttuaqqanut ilinniartitaanernik assigiinngisitaanerusunik aaqqissuussinerit. Suliniutissanut taakkununga aamma ilaavoq meeqqat atuarfiata, inuusuttuaqqanut ilinniartitaanerit aamma suliffeqarnermik ingerlatsiviit akornanni suleqatigiinneq. Suliniutit pineqartut peqataassapput ataqtigiisitsinerit annertunerunissaannut. Apeqqummut 3-mut akissut innersuullugu piffissami matumani tamanna annerusumik itisilerneqarsinnaangilaq.

Apeqquut 7: Inuusuttuararpassuit Meeqqat Atuarfianni naamassigaagamik tamarmik unittooratik ingerlaqqittarnissaat naalakkersut qanoq qulakkeerniarpaat?

Akissut: Suliniutissamut qulaajaanermik ineriartortitsinissamillu suliaq ilaatigut aallaaviupput anguniakkat inuusuttuaqqat amerlanerusut inuusuttuaqqanut ilinniartitaanernik allartitsisalnissaannik, meeqqat atuarfiata kingorna. Inassuteqaatini ilaapput immikkoortut assigiinngitsut arlaqartut, siunertamik tamatumingna ilalersuisussat. Immikkoortut assigiinngitsut meeqqat atuarfiannut sammisitaasut aammalu inuusuttuaqqanut ilinniartitaanernut sammititaasut. Apeqqummut 3-mut akissut innersuullugu piffissami matumani tamanna annerusumik itisilerneqarsinnaangilaq.

Apeqquut 8: Ilinniartitsisussaaleqinerup aningorasuarnissaanut Naalakkersuisut pilersaaruteqarpat?

Akissut: Inassuteqaatini ilaapput immikkoortut meeqqat atuarfianni aamma inuusuttuaqqanut ilinniartitaanerini ilinniartitsisussarsiortarnernut ilinniartitsisunillu tigungminniinnarniartarnernut attuumassuteqartut. Apeqqummut 3-mut akissut innersuullugu piffissami matumani tamanna annerusumik itisilerneqarsinnaangilaq.

Apeqquut 9: Meeqqat atuarfiini avatangiisit sanaartugaatit iluarsanneqarnissaat nutaallu sanaartorneqarnissaat qanoq aningaasalersorneqassappat?

Akissut: Kommunitat ataatsimoorussanik tapiissuteqartarnut isumaqatigiissutaasartut naapertorlugit atualernej sioqqullugu ingerlatsivinnik aamma meeqqat atuariinik sanaartornut aserfallatsaaliinernullu akisussaaffik 1. januar 2018 kommunitat tunniunneqarput. Ilassutit isumaqatigiissut ataavartut aqqissuussinermik tunngaveqarpoq, meeqqat amerlassusaat aamma inoqarfiit qassiuneri minnerpaamik 5-inik meerartaqartut aallaavigalugit oqimaalutaasoqartaruni 75 %-inik aamma 25 %-inik agguaassisarneni.

Nutaanik sanaartukkanik pisariaqartitsinernut tunngatillugu sanaartugaatinik nakkutilliilluni misissuisimanernik tunngaveqartumik atugassarititaasut siuliani eqqaaneqartut tunngavigalugit kommunitat ataasiakkaat qinersinnaavaat suliassap Namminersorlutik Oqartussaniit suliarineqarnissaa, aningaasaliissutit siuliani pineqartut ilanngaavigineqarnerisigut aqqissuussilluni.

Kommunitat immikkut pisussaaffiligaapput aningaasaliissutit siuliani pineqartut tunniunneqartut sanaartugassanut aserfallatsaaliinernullu suliassaqarfimmi tassani atornissaannut.

Apeqquut 10: Atuartitaanerup – Ilinniartitaanerullu aqqissuuteqqinneqarneri pillugit inatsisitigut allannguutissanik Naalakkersuisut qaqugu Inatsisartunut saqqummiinissartik naatsorsuutigaat?

Akissut: Tamatumunnga pilersaarut aatsaat suliarineqassaaq ilinniartitaanernut ataqatigiissunut eqaatsunillu aqqissuussaasunut tunngatillugit inassuteqaataasut Naalakkersuisunut tunniunneqareerpata. Taamaattumillu tamanna itinerusumik piffissami matumani akissuteqarfigineqarsinnaanngilaq.

Inussiarnersumik inuulluaqqusillunga

Ane Lone Bagger